

254. stà re de Persia, nè tanto adorato, nè amato da li suo', nè che sij stà più belicoso, nè che sia stà *cum* tanto exercito, nè sia stà sì fortunato. Perchè si vede i cieli haver facto a questa nostra età un miracolo, che excede tutti li miracoli, che un garzon de XII anni habia havuto ardimento, non essendo de linea regal, per forza d' arme e de seguito, bater li successori del regno de Persia, expugnarli et prender Tauris, et haver tutto quel suo amplissimo regno de Persia, tutto pacifico al presente, sotto el suo dominio, che Alexandro non have mai tanta prosperidade. Et hora se vede *expresse* de uno animo belicissimo, et sue imprese de nova guerra, che se la fortuna le aspira, come, da X anni in qua, in ogni suo ardimento li ha secondato, non credo che alcun altro signor passato el supererà di fama. Et *etiam* el signor turco ben el cognoſce et teme, come mi par comprehendere da tre fondamenti: prima, che l'anno passato el fece, subito che 'l intese la venuta de Sophi, campo de 35 milia persone et mandole a li confini del suo paese, *cum* hordine perhò de non venir mai a le man, ma che mostrasseno fuzir verso Constantinopoli, azò el Sophi li venisse drietto, come è dieto ne la copia presente, azò che li de propinquo el potesse unir tutte le sue forze et far resistentia. Poi che 'l ha mandato ambasciatori al soldan, a sollicitarlo che 'l sia insieme unitto *cum* lui contra el Sophi, che se 'l fosse uno picol signor, non seria de dignità di tanto imperador turco chiamar altri principi et potenti in soccorso et liga. Et dieessi, che 'l signor soldan si excusò non haver bombardieri, nè maistri de artellarie, e che per li suo' danari ge ne mandasse; et che 'l turco subito li mandò per Camali in Alexandria armi et maistri da far passavolanti et artellarie. Et per terza rason, che 'l habi timor del Sophi, e che l' ha mandado messo a posta a dir busie, che 'l havia rotto Sophi, o ver che da paura de lui l'era tornato adrietto; et questo forse pol haver facto, per far che venetiani non habi animo del Sophi, che guerrizza contra de lui da una banda, da l'altra banda *cum* armada cercar de darli impazo et comphederarsi *cum* el Sophi; si che concludo, *quomodocumque* el sia, che la potentia sua sia grandissima et da tutti temuda.

A di cinque marzo.

255

Dil mexe di zugno 1508.

A dì primo, fo il zorno di la Sensa. El principe andò, con li oratori et la Signoria, et altri invitati al pranso, *de more*, nel buciuntoro fuora di do

castelli a sposar e benedir il mar. Fonno oratori, Franza, Spagna, Milam et Ferrara, et uno episcopo de Scotia, va im peregrinazo in Jerusalem. Fece l' officio dil patriarcha uno episcopo, per non esser ancora venute le bolle dil novò patriarcha electo. Portò la spada sier Domenego Contarini, era cao di X, et electo capetanio a Verona; fo suo compagno sier Francesco da cha' da Pexaro, *quondam* sier Hironimo. Introno, consieri huovi: sier Marco Bolani, sier Francesco Trum, et sier Zacaria Dolfim; cai di 40: sier Lorenzo Foscarini, sier Sebastian Balbi et sier Alvise Contarini; cai di X: sier Domenego Contarini, et do nuovi, sier Piero Querini et sier Marin Zorzi, dottor. Fo zudexe di propio, sier Marco da Molim. E fo queste letere:

Di Riva, di sier Zacaria Contarini, el cavalier. Come Otavian era ritornato di Archo con presenti mandati, di trute e zotroni, a quelli deputati per tenirli ben edificati. El qual riporta, che domino Paulo Letistener è a Bolzan, e tien certa dieta; il re è versso la Fiandra. Al Calian non è 3000 fanti alemani, il resto, fin numero X milia, homeni paesani, qualli hanno le arme. *Item*, la raina è a Costanza etc.

Di sier Hironimo Contarini, provedador di l' armada, date in galia, a presso Fiume. Aver auto 4 lochi, *ut in litteris*, qualli si hanno dati a la Signoria nostra.

Di Trieste, di sier Zorzi Corner, el cavalier, provedador zeneral. Come havia aviato, prima certi cavali lizieri, poi altre zente, a la volta di Postomia; e il *governador zeneral* vi va et lui provedador.

Di Milam. Che il prescidente, deputato esser a Riva con l' orator nostro per la tratation di le trieve, a di 30 saria zonto a Riva.

Da poi disnar 0 fu.

A dì 2. La matina fo letere di Trieste, di sier Francesco Capello, el cavalier, provedador. Avisa, quelli cavalli lizieri, andati a la volta di Postomia, esser stà asaltati da i nimici todeschi, et parte di nostri malmenati; è stà morti 50 con li so cavalli, e parte feriti; e non si sa quel è seguito di capi, Franco dal Borgo, Vitelozo et Renier di la Sasseta. Il provedador Corner e l' Alviano erano partiti di Trieste *etiam* l'horo per andar versso Postomia.

Da poi disnar fo colegio di savij. El fo apichato, in pescharia a Rialto, il ladro, menato per li avogadori in 4.^{ta}, el qual fu preso fosse apichato; et robò *proditorie* a zaffo una busta di zoje de su una botega etc. E fo incolpà uno altro, qual fo acusado da